



Crna Gora
Ministarstvo vanjskih poslova
Generalni direktorat za Evropsku uniju

Adresa: Stanka Dragojevića 2
81000 Podgorica, Crna Gora
tel: +382 416 362
fax: +382 20 225 702
www.gov.me/mvp

Br: *711-904/p6-1167*

18. februara 2026.

PLATFORMA

za učešće potpredsjednika Vlade za međunarodne odnose i ministra vanjskih poslova na sastanku ministara vanjskih poslova Grupe prijatelja Zapadnog Balkana i ministara vanjskih poslova država Zapadnog Balkana, Rim, Republika Italija, 3. marta 2026. godine

I UVOD

Potpredsjednik Vlade za međunarodne odnose i ministar vanjskih poslova mr Ervin Ibrahimović, na poziv potpredsjednika Vlade i ministra vanjskih poslova i međunarodne saradnje Republike Italije Antonija Tajanija, učestvovaće na sastanku ministara vanjskih poslova Grupe prijatelja Zapadnog Balkana i ministara vanjskih poslova država Zapadnog Balkana, koji će se održati u Rimu, Republika Italija, 3. marta 2026. godine. Pored ministara vanjskih poslova država Grupe prijatelja i Zapadnog Balkana, na sastanku će učestvovati i visoka predstavica za vanjske poslove i bezbjednosnu politiku Kaja Kalas, komesarka za proširenje Marta Kos i i predsjednica Evropskog parlamenta Roberta Metsola.

Tokom prethodne dvije godine, sastanci Grupe prijatelja Zapadnog Balkana i ministara vanjskih poslova država Zapadnog Balkana bili su fokusirani na uključivanje postupene integracije u politiku proširenja EU, kroz unapređivanje saradnje u oblasti zajedničkih vanjskih i bezbjednosnih izazova i implementiranje Instrumenta za reformu i rast za Zapadni Balkan.

Sastanak se organizuje sa ciljem razmatranja budućih zajedničkih ciljeva i operativnih predloga za podršku i ubrzanje evropske integracije država Zapadnog Balkana.

II ZNAČAJ UČEŠĆA

Učešće potpredsjednika Vlade i ministra vanjskih poslova Crne Gore mr Ervina Ibrahimovića na sastanku ministara vanjskih poslova Grupe prijatelja Zapadnog Balkana i ministara vanjskih poslova država Zapadnog Balkana predstavlja priliku da Crna Gora, kao predvodnica u procesu EU integracija, reafirmiše svoju dosljednu posvećenost evropskim vrijednostima i reformskom procesu. Istovremeno, sastanak je prilika da se Crna Gora snažnije pozicionira kao kredibilan i konstruktivan partner u regionu, promoviše svoje prioritete i unaprijedi saradnju sa članicama EU koje aktivno podržavaju politiku proširenja. Učešćem na sastanku se, pored jačanja međunarodnog ugleda Crne Gore, doprinosi i ostvarivanju intenzivnijeg dijaloga u cilju obezbjeđivanja podrške u ključnim oblastima za dalji napredak na planu integracije u EU.

III SASTAV DELEGACIJE

Delegaciju Crne Gore na sastanku ministara vanjskih poslova Grupe prijatelja Zapadnog Balkana i ministara vanjskih poslova država Zapadnog Balkana, u Rimu, Republika Italija, 3.

marta 2026. godine, koju će predvoditi potpredsjednik Vlade za međunarodne odnose i ministar vanjskih poslova mr Ervin Ibrahimović činiće:

1. Jelena Burzan, otpravnica poslova a.i. u Ambasadi Crne Gore u Republici Italiji;
2. Ivan Ivanišević, v.d. generalnog direktora za Evropsku uniju;
3. Jovana Duković, prva sekretarka u Kabinetu ministra.

Troškove učešća crnogorske delegacije na sastanku u Rimu snosi Ministarstvo vanjskih poslova.

Zadužuje se Ministarstvo vanjskih poslova da o navedenom učešću pripremi i Vladi dostavi izvještaj.